

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 242739 24 St  
Zenica, 10.03.2025. godine

Općinski sud u Zenici, stečajna sutkinja Sanja Pavlić, u stečajnom postupku nad imovinom stečajnog dužnika „PRIMUS“ Trgovinsko, ugostiteljsko, građevinsko i saobraćajno društvo Maglaj, d.o.o., Željeznička ulica b.b., Maglaj, koga zastupa Nesib Serhatlić, direktor društva, MBS: 43-01-0555-09 (stari broj 1-6637), odlučujući o prijedlogu stečajnog dužnika, donio je van ročišta, dana 10.03.2025. godine sljedeće:

## RJEŠENJE

OTVARA SE STEČAJNI POSTUPAK nad imovinom stečajnog dužnika „PRIMUS“ Trgovinsko, ugostiteljsko, građevinsko i saobraćajno društvo Maglaj, d.o.o., Željeznička ulica b.b., Maglaj, JIB: 4218265530001, glavni račun stečajnog dužnika otvoren kod UniCredit bank d.d., broj: 3385502200328397, dana 10.03.2025. godine u 15:00 sati.

Za stečajnog upravitelja, sa liste stečajnih upravitelja, imenuje se Senaudin Kulačić, Derviša Imamovića br.3., Zenica.

Pozivaju se vjerovnici da u roku od 30 dana od dana objave ovog rješenja u „Službenim novinama“ Federacije BiH, prijave svoje tražbine koje imaju prema stečajnom dužniku podnošenjem prijave Općinskom sudu Zenica na broj: 43 0 St 242739 24 St, uz uplatu sudske takse u iznosu od 1% od vrijednosti tražbine, ali ne manje od 50,00 KM, niti više od 10.000,00 KM na račun budžeta ZE-DO kantona broj:134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos tražbine, kao i broj svog računa kod poslovne banke.

Pozivaju se vjerovnici da stečajnog upravitelja u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osiguranu tražbinu.

Pozivaju se dužnici stečajnog dužnika da svoje obveze bez odlaganja izmire.

Nalaže se stečajnom dužniku i trećim osobama da stečajnom dužniku predaju u posjed imovinu i dokumentaciju stečajnog dužnika koja je u njihovom posjedu.

Nalaže se registru poslovnih subjekata ovog suda da uz firmu ili naziv stečajnog dužnika izvrše upis oznake „u stečaju“, a u rubrici „Lica ovlaštena za zastupanje subjekta upisa“ umjesto imena i prezimena direktora, upišu ime i prezime stečajnog upravitelja.

Nalaže se zemljišnoknjižnim uredima i nadležnim katastarskim operatima, kod kojih se vode nekretnine stečajnog dužnika, da izvrše upis rješenja o otvaranju stečajnog postupka.

Ispitno i izvještajno ročište u ovom postupku zakazuje se za dan 08.05.2025. godine u 12,00 sati, u zgradi Općinskog suda Zenica, te se na isto pozivaju vjerovnici stečajnog dužnika koji podnesu prijavu tražbine, kao i stečajni upravitelj.

Rješenje o otvaranju stečajnog postupka objavit će se na oglasnoj tabli suda, web stranici suda-elektronskoj tabli suda, na internet stranici FIA-e, a u „Službenim novinama“ Federacije BiH objavit će se izreka rješenja.

## O b r a z l o ž e n j e

„PRIMUS“ Trgovinsko, ugostiteljsko, građevinsko i saobraćajno društvo Maglaj, d.o.o., Željeznička ulica b.b., Maglaj, podnijelo je prijedlog za provođenje stečajnog postupka dana 07.03.2024. godine.

Privremeni stečajni upravitelj Muamer Pašalić iz Zenice je u vezi sa ispunjavanjem uvjeta za otvaranje stečajnog postupka nad imovinom stečajnog dužnika sačinio Izvještaj od 22.07.2024.godine i Dopunu Izvještaja od 07.10.2024. godine, te je na ročištu za ispitivanje uvjeta za otvaranje stečajnog postupka održanom dana 06.03.2025. godine, izjavio da uvidom u Uvjerjenje Općinskog suda u Zavidovićima ZK Ured Maglaj, broj: 042-1-RZ-2-000101 od 15.02.2024. godine potvrđuje se da društvo nema evidentirano vlasništvo u zemljišnoj knjizi, a navedeno potvrđuje i bilans stanja za 2023. godinu. Naveo je da je od pokretne imovine društvo posjedovalo prevozna sredstva o čemu je MUP ZDK dostavio Uvjerjenje broj: 08-01-02/12-03-7-5-770/24 od 09.07.2024. godine, te se navedenom

potvrdom potvrđuje da navedena prevozna sredstva samo formalno postoje u njihovom registru, a da su navedena sredstva bila predmet izvršnog postupka Općinskog suda u Zavidovićima, Odjeljenje u Maglaju broj: 421 Ip 015720 19 Ip u kojem je doneseno rješenje o dosudi, a na osnovu zaključka od 28.07.2020. godine. Izjavio je da faktičko stanje jeste da navedena imovina ne postoji, te da je pri izradi nalaza i mišljenja posjetio adresu navedenu u aktuelnom izvodu iz sudskog registra i utvrdio da na navedenoj adresi ne postoji ni jedna oznaka da je društvo tu ili da danas obavlja bilo kakvu poslovnu aktivnost, kao i da se na navedenoj adresi trenutno nalazi drugo pravno lice. Izjavio je da u razgovoru sa nadležnima je saznao da se zalihe, sirovine, gotovi proizvodi, potraživanja te novac naveden u bilansu stanja nalazio tu do 2007. godine i da podaci o zalihama, sirovinama, gotovim proizvodima, potraživanjima te novcem su zastarjeli i da više ne postoje, kao i da je o navedenom detaljno dostavljeno izjašnjenje od knjigovodstva koje je stavio uz svoj izvještaj, a da je stava da navedena imovina ne postoji i da je njena likvidaciona vrijednost jednaka nuli. Privremeni stečajni upravitelj je istakao da kada su u pitanju obaveze društva iste iznose 2.873.387,98 KM, a detaljan spisak svih povjerilaca je dostavljen uz izvještaj, a u navedenom iznosu samo obaveza prema Poreznoj iznosi 2.304.697,01 KM, a prema ostalim povjeriocima ukupno 568.690,94 KM. Izjavio je da je društvo koristilo jedanaest računa otvorenih u poslovnim bankama u Bosni i Hercegovini, svi su blokirani, dok su u periodu od 2003. do 2005. godine tri računa ugašena. Naveo je da je društvo nesposobno za obavljanje bilo kakve privredne djelatnosti još od 2010. godine, da ukupna stalna sredstva, zalihe, novac ne postoje i podaci su iz perioda od 2007. godine, obaveze iskazane u bilansu stanja su 2.873.387,98 KM i imaju tendenciju stalnog rasta, a što se tiče dugovanja ista su dospjela i od stupanja na snagu novog zakona ista su potraživana. Privremeni stečajni upravitelj je istakao da što se tiče imovine, društvo jedino posjeduje 14 dionica Asa banke (bivša IK Banka) o čemu je iz Registra vrijednosnih papira dobio potvrdu o iznosu i nominalnoj vrijednosti navedenih dionica, ukupan broj navedenih dionica je 14 i sve su opterećene založnim pravom Porezne uprave, pa stoga predlaže da se predmet otvori jer bi se djelimično iz navedene imovine (dionica) mogli pokriti barem djelimično troškovi stečajnog postupka i eventualno djelimično namirio razlučni povjerilac Porezna uprava.

Zakonski zastupnik predlagatelja je na ročištu izjavio da ostaje kod prijedloga za pokretanje stečajnog postupka i da nema primjedbi na Izvještaj privremenog stečajnog upravitelja i na Dopunu Izvještaja privremenog stečajnog upravitelja.

Sud je nakon uvida u dokaze priložene u spis, kao i u Izvještaj i Dopunu Izvještaja privremenog stečajnog upravitelja odlučio kao u izreci.

Sud je pored navedenog ovim rješenjem odredio dan i sat otvaranja postupka, imenovao stečajnog upravitelja sa liste stečajnih upravitelja, pozvao vjerovnike stečajnog dužnika da prijave tražbine i vjerovnike sa pravom osiguranja da obavijeste stečajnog upravitelja o svom pravu, te dužnike stečajnog dužnika da bez odlaganja izmire svoje tražbine, te je odredio i dan i sat za koji je zakazano ispitno i izvještajno ročište, a sve u skladu sa odredbama čl. 104., 105., 106., 107. i 108., Zakona o stečaju (Sl. Novine F BiH 53/21), budući da je naprijed navedeno i potrebno da sadrži rješenje o otvaranju stečajnog postupka.

#### PRAVNA POUKA

Protiv ovog rješenja stečajni dužnik može uložiti žalbu u roku od 8 (osam) dana po prijemu rješenja Kantonalnom sudu Zenica, putem ovog suda.

Stečajna sutkinja  
Sanja Pavlić